

Rekrut mecht a niemand sin

Wie ich zwanzich Jahr alt war han ich mol an em Nomittaa vun dem Tscherk a Schreiwes griet, wu die mich verständicht han, dass ich mich mit mei aneri Rekrute vun unserem Dorf, am nächscte Mittwuch um acht Uhr in dr Fruh beim Bezirks Tscherk mit, m gereinichte Kerper mele soll, weil die Zeit kumm is, weil die Zeit kumm is, dass ich a Zeitlang die militärischi Ausbildung vor, s Vaterland mache soll. Des mit dem gereinichte Kerper war bei uns im Dorf net ganz so einfach, wie die von dere Stadt des sich vorgstellt han. Domols hat, s bei uns noch khe Baad gin. Do hat die Motter, oder wann mer schun a Weib ghat hat, im Kessl es Wasser warm gmacht, dann is die Mulder mit dem Wasser voll gfüllt gin, die gut Motter hat noch mit, m Finger prowiert, ob, s net zu heiß is, dann hat mer sei Kerper stikweiß gereinicht, un is dann am nächscte Morjet, mit, m Waa uf Tschakowa gfiehrt gin. Die Musich hat em bis ans Dorfend de Marsch gspielt un mir han gejuchst, weil mer net gwisst han, was uns warte tut.

Wie mir dort bei dem Tschakoware Bezirks Tscherk ankumm sin, hat mer sei anneri Schiksalkumrade betracht, un is noher in a großes Saal gfiehrt gin, un hat gewart, bis a kleene un iweraus dicke Maschur, mit eener Stimm wie a Trumpet, dei Name gnennt hat. No is mer mit noch zehn oder fufzehn Rekrute vun verschieden Derfer in a etwas klenere Raum ngingepresst gin, dort wu die Assentierungskommision gsitzt hat. In dem Zimmer hascht dich dann ganz nakich mache misse, die meishti vun uns sin ganz rot im Gsicht gin un han ihre Händ vor ihre beschetes Stick ghal, bis dann a Maschur mit em weiße Mantl, em mit em Linial uf die Händ gschlaa hat, un gschrie hat, dass mir do grad stehn misse. Nohdem sin mir unnersucht noo abgemesst gin, un zum Schluss hat uns so a Dokter an a Phoschte gstellt un a Brett uf unser Kopp falle glosst, dass mer glei um a phaar Zentimeter klener gin is, dass se wisse wie groß dass mer is.

A jeder in dere Kommision hat des Resultat vun seiner Unnersuchung em mit bloem Blei uf die nakichi Haut gschrieb. Am letschte Tisch is des ganzi gebrieft gin, dann han se der gsaat, dass du tauglich, vor die Infanterie, Atolie oder Panzer bischt.

Die was no tauglich ware han die Bruscht raus gstreckt un han sich ingebild, jetz sin se Jemand, er hat sich gut gebaut und gsund gfiehlt. Traurich ware die, die net tauglich ware, mer kann net behaupte, dass se krank oder a annere Fehler ghat han. Awer die Kommision hat doch a Fehler an ihne gfun, dem en sei Vatr war beim deitsche Militär, der anneri hat Freind in Amerika ghat, awer Inrucke han se alli misse.....Nohmitta um a fier Uhr ware mir dann alli assentiert un han hemfahre derfe. Uf dem hemwech is es ganz luschtich zu gang, de Wein is in manchi ihre Phans ohni Moos gloff, a jedr hat awer gwisst, wann es gnuch is, so das niemand iwer de Strick gschlaa hat. Wie mer noo derhem im Dorf ankumm sin, hat uns die Blechmusich ins Werthshaus gspielt, wu dann bis in de annere Morjet gfeiert gin is....Wie mir dann inrucke han miss un im Kasernehof gstan han, is es uns schun begreiflich gmacht gin, dass mer gar nix sin, noch viel wenicher als gar nix.

Wie mir unser Gwand griet han sin mir in a Saal gfiert gin, wu a Maschur gstan hat, der hat so grantich ausgeschaut, das mer sich gfercht hat, er hat uns netmol gut Angschaut, un derbei mit ener Schnellichkeit alles hiengworf, was a Rekrut zum

Anziehe brauch. Vum Kopp bis zu die Fieß han mir in netmol ener Minut im Arm ghat, un han, ohni a Wort zu saan, uns anziehn misse. Es meishti Gwand hat net gepasst, mir han uns dann unenaner des ausgetauscht, was mer gment han, es tut uns passe. Mei Blusn war länger wie de Wintermantl, do hat mer no mei Kumrad gsaat, ich soll zum Maschur gehn, der tauscht mer se um. Na, der hat gschrie, sodas ich schneller draus war wie drin.

In dere domolichi Zeit hat,s beim Militär a strengi Zucht gin, drum hat niemand mehr a Rekrut sin wille. Wann ich nor dran denk, wie mir in dr Fruh geweckt gin sin, werd,s mer schlecht. Der Maschur is in unser Schlofzimmer kumm un hat zu erscht alli Fenschtre ufgmacht, des hat er jo tun misse, weil die Luft in dem Zimmer, war vun so viel Rekrute, was dort gschlof han, Sauerstoffarm. Dann hatr gschrie, „alles Raus,, dass sogar der, was noch gut gschlof hat, wackrich gin war un vun em Bett ufghupst is. Weh dem, der net schun halwer angezoo war, bis der vun die Fenschtre in die mitte vum Schlofzimmer kumm war. Dann die Enzlausbildung, ich han heint noch immer khe gutes Gfiehl, wann ich dran denk. Angfant vum Gleichschritt, dess was unser Oltenischi Kulegre lang net begreife han kenne, die Iwung mit dem Gwehr war immer a Problem, mir hat es nie net gut gnuch gmacht, nooher is mer ufs Exezierplatz getrieb gin un hat alli Wasserlecher trucke rutsche misse. Glick hat mer ghat, wann de Rejn ausgeblieb war, hat,s awer gerejnt, is der Zirkus vun vore an gang. Laafe hann mer immer misse, sogar wie es zu Esse gin hat, dorthien sin mir ach gere hiengloff, weil a Rekrut hat immer Hunger ghat, sogar glei no em Mittaesse.

Des guti war derbei das mer khe Angsch breiche han, dass mer sich verliert, mir is iwerall unerem Kommando hien gfieht gin.

Heit zu Taach gibt,s so was niemehr beim Militär, hat mer mei Enkelskind gsaat. Jetz hat de Rekrut es gut, er fahrt in dr Fruh vun derhem mit seim Auto in die Kasern, dorte wart schun de Regimentskummandant im Hof un grießt zuersch un ganz freindlich, no froot er wie de Herr Rekrut gschloof hat, ob er ach Luscht heint hat vor a bisl Iwung mache. De Gruppnkummandant froot ne glei, ob er Kaffe mit Buttr oder Tee mit Worsch fruhstucke mecht. Un de Zahlmeistr will wisse, wie er dem Herr Rekrut sei Lohn iweweise soll un wann er gedenkt sei Urlaub zu mache un wu. Es is alles ganz anerschter, nimi so wie es war.

Hans Niedermayer Dolatz